



# বলো কলকাতা

সর্বদা সত্যের খোঁজে...

All india registered digital media platform

Reg by - Gov of india



লক্ষ্মীবারে জগন্নাথের রাজ্যে  
'সৌজন্য সাক্ষাৎ' মমতার (১)

প্রবীণাদের খুন করে  
দেহের সাথে সহবাস! (১)

ডাক পড়লো আসানসোল  
জেল সুপারের (১)

পুরীর মান্দিরে মুখ্যমন্ত্রী মমতা  
বন্দ্যোপাধ্যায় (৩)

epaper.bolokolkata.com

কলকাতা ৯ চৈত্র ১৪২৯, শুক্রবার ২৪ মার্চ ২০২৩ অনলাইন সংস্করণ

৬ পাতা



## লক্ষ্মীবারে জগন্নাথের রাজ্যে 'সৌজন্য সাক্ষাৎ' মমতার

বলো কলকাতা, নিউজ ডেস্ক:- লক্ষ্মীবারে জগন্নাথের রাজ্যে 'সৌজন্য সাক্ষাৎ' সারলেন বাংলার মুখ্যমন্ত্রী মমতা বন্দ্যোপাধ্যায় ও ওড়িশার মুখ্যমন্ত্রী নবীন পট্টনায়ক। তবে সেই সৌজন্য সাক্ষাতের মধ্যেই রাষ্ট্রের নিরাপত্তা এবং গণতান্ত্রিক অধিকার নিয়ে কথা হল তাঁদের মধ্যে। কথা হয়, ভারতের যুক্তরাষ্ট্রীয় কাঠামোকে অটুট রাখার পন্থা এবং প্রয়োজনীয়তা নিয়েও।

দিনকয়েক আগেই কলকাতার কালীঘাটের বাড়িতে অখিলেশ যাদবের সঙ্গে বৈঠক করেছেন মমতা। আর বৃহস্পতিবার তিনি দেখা করলেন নবীনের সঙ্গে। এদিন বিকেল ৪টে ৩০ মিনিট নাগাদ ভুবনেশ্বরে নবীন পট্টনায়কের বাসভবনে পৌঁছে যান মমতা। তাঁকে সাদর অভ্যর্থনা জানান নবীন। প্রতিবেশী দুই রাজ্যের প্রশাসনিক প্রধানের মধ্যে কুশল বিনিময় হয়। কথা হয় বিভিন্ন বিষয় নিয়ে। যার মধ্যে অন্যতম হল, ওড়িশার মাটিতে (পুরীতে) বাংলার নতুন গেস্ট হাউস তৈরি সংক্রান্ত আলোচনা।



## ডাক পড়লো আসানসোল জেল সুপারের

নিজস্ব সংবাদদাতা, পূর্ব বর্ধমান:- গুরু পাচার মামলায় সিবিআইয়ের হাতে গ্রেফতার হওয়ার পরে প্রায় ৬ মাস তাঁর অধীনেই ছিলেন আসানসোল জেল বা বিশেষ সংশোধনাগারে বীরভূমের তৃণমূল কংগ্রেসের জেলা সভাপতি অনুরত মণ্ডল। এবার সেই আসানসোল জেল সুপার কৃপাময় নন্দীকে দিল্লি ডেকে পাঠাল এনফোর্সমেন্ট ডিরেক্টরেট বা ইডি। আগামী ৫ এপ্রিল তাকে ডেকে পাঠানো হয়েছে। বুধবার ডেকে পাঠানোর চিঠি মেইল করে জেল সুপারের কাছে পাঠানো হয়েছে। রাতে জেল সুপারের সঙ্গে যোগাযোগ করা হলে তিনি তা স্বীকারও করে নিয়েছেন। জানিয়েছেন, "মেইল পেয়েছি। যাব। তাকে বেশ কিছু তথ্য সঙ্গে নিয়ে আসতে বলা হয়েছে। তার মধ্যে ব্যাঙ্ক স্টেটমেন্ট ও সম্পত্তির তথ্যও রয়েছে বলে খবর। তা বিগত ১০ বছরের বলে জানা গিয়েছে ইডি সূত্রে। ইডি সূত্রে খবর, গত দুর্গাপুজোর সময় জেলে থাকা বন্দিদের জন্য এলাহি খাওয়া-দাওয়ার আয়োজন করা হয়েছিল আসানসোল সংশোধনাগারা। ইডি জানতে পেরেছে, তা করা হয়েছিল অনুরত মণ্ডলের আবদারে। এবার সেই জেলেরই পুলিশ সুপারকে ডেকে পাঠাল ইডি। প্রসঙ্গত, ২০২২ সালের ১০ অগাস্ট বোলপুর থেকে অনুরত মণ্ডলকে গ্রেফতার করেছিল সিবিআই। তারপর ২৪ অগাস্ট থেকে আসানসোল জেলেই ছিলেন অনুরত মণ্ডল ওরফে কেপ্ট।

## শিরোনাম

- প্রধানমন্ত্রী নরেন্দ্র মোদিকে নিয়ে করা মন্তব্যের জেরে রাহুল গান্ধিকে দোষী ঠাউরালো সুরাতের একটি আদালত। তাকে ২ বছরের কারাবাসের সাজা ঘোষণা করা হয়েছে।
- সুন্দরবন উন্নয়ন মন্ত্রীর নামে দুর্নীতির জবাব চেয়ে পোস্টার। চাঞ্চল্য এলাকায়
- আদালতে পার্থ চট্টোপাধ্যায়ের বিস্ফোরক দাবি। নিয়োগ দুর্নীতিতে সুজন, দিলীপ ও শুভেন্দুর নাম।(১)
- সৌদি লীগ নিয়ে বিস্মিত রোনাল্ডো!(৪)
- বয়স্ক মহিলার নাচে মুগ্ধ কিং খান(৪)
- গাঁজা-জুয়া- সাদ্রা বন্ধের দাবিতে শান্তিপুর থানায় বিক্ষোভ(৫)
- হুগলি -চুঁচুড়া পৌরসভার কাউন্সিলরের দুর্নীতির বিরুদ্ধে বিজেপির বিক্ষোভ কর্মসূচি(৫)
- দ্রব্যমূল্যের বৃদ্ধি নিয়ে সরব নবদ্বীপে তৃণমূল কংগ্রেস(৫)



প্রবীণদের খুন করে দেহের সাথে সহবাস: বলো কলকাতা, নিউজ ডেস্ক :- প্রবীণ মহিলাদের খুন করে তাঁদের মৃতদেহের সঙ্গে সহবাস! পুলিশের দাবি, একাধিক প্রবীণার সঙ্গে এই পৈশাচিক কাণ্ড ঘটিয়েছেন দুই যুবক। ইতিমধ্যেই তাঁদের দুজনকে গ্রেফতার করা হয়েছে। প্রায় দু'মাসের ব্যবধানে অমরিন্দর এবং সুরিন্দর নামে এই দুই অভিযুক্তকে পাকড়াও করা হয়। পুলিশ সূত্রে জানা গিয়েছে, গত ২৩ জানুয়ারি খুন ও ধর্ষণের অভিযোগে গ্রেফতার হন অমরিন্দর। তাঁর সঙ্গী সুরিন্দরকে গ্রেফতার করা হয় বুধবার ২২ মার্চ রাতে। ঘটনা ঘিরে চাঞ্চল্য ছড়িয়েছে উত্তরপ্রদেশের বারাবাঁকিতে।



আদালতে তোকর মুখে পার্থ চট্টোপাধ্যায়ের মুখে বিস্ফোরক দাবি। নিয়োগ দুর্নীতি মামলায় প্রাক্তন শিক্ষামন্ত্রীর মুখে সুজন চক্রবর্তী, দিলীপ ঘোষ, শুভেন্দু অধিকারীর নাম। যা নিয়ে শুরু হয়েছে জল্পনা।



Wedlock Matrimony

Mobile : 9903752030 / 9748680108 / 9831808242 / 8167214422  
www.wedlockmatrimony.in | Email : prtilatasaha1234@gmail.com

Dankuni Litchutala Bus Stand,  
TN Mukerjee Rd, Kalipur, West Bengal 712311  
(Second floor of Lal Bari Building / MedPlus Medical Shop, Just 10 to 15 mints walking distance from Dankuni Railway Station)



বহু প্রশংসিত তন্ত্র ও মাতৃসাধক শ্রী গোবিন্দ আচার্য  
Tantra Bagish, Samudrik Ratna, Gold Medalist (Benaras)  
K.B.S. (N. Delhi), M.R.A.S. (London), I.S.C.A & B.M.U. (Cal)  
7/1, Jessore Road, Dum Dum, Kol-28

Mob. : 8777091514 / 9748876046





# --শ্রেণীবদ্ধ বিজ্ঞাপন--

২

কলকাতা ৯ চৈত্র ১৪২৯, শুক্রবার ২৪ মার্চ ২০২৩ অনলাইন সংস্করণ

## জ্যোতিষী

আপনার মুখ এবং আমার গণনা !  
আপনার ভাগ্য পরিবর্তনের মূল কারন হতে পারে।



প্রাচীন লুপ্তপ্রায় সামুদ্রিক জ্যোতিষ মতে হস্তরেখা, মুখমণ্ডলের গঠন ও শরীরের বিভিন্ন স্থানের চিহ্ন দেখে জীবনের নানা সমস্যার (বিদ্যায় অমোনোযোগী, ব্যাবসা, চাকরী, কর্মোন্নতি, বিবাহ, স্বামী স্ত্রীর মধ্যে সম্পর্ক, গৃহ শান্তি, গোপন শত্রুতা, মামলা মোকাদ্দমা প্রভৃতি) সঠিক কারন নির্ধারণ ও স্থায়ী প্রতিকারে শ্রী লক্ষ্মীনারায়ন গোস্বামী অধিষ্ঠায়।

৬৫ বছরের অভিজ্ঞতা সম্পন্ন জ্যোতিষ অধ্যাপক  
শ্রী লক্ষ্মীনারায়ন গোস্বামী

প্রাচীন লুপ্তপ্রায় সামুদ্রিক জ্যোতিষ শিখতে আগ্রহী ব্যক্তিরা যোগাযোগ করুন। শিক্ষান্তে সার্টিফিকেট।

Resedence - 3B, Charu Chandra Avenue. Kol-33  
Chember - 5B, Nepal Bhattacharjee Street. Kol-26

আমার পুঁজি  
আপনার পুঁজি  
9433215177 / 7439877765

ভাগ্য বদল নয়, ভাগ্যের বাঁধা

সরিষে সৌভাগ্যের দিশারী

স্বর্ণ পদক প্রাপ্ত জ্যোতিষ ও বাস্তববিদ

তত্ত্বসাধক জ্যোতিষাচার্য

শ্রী অমল চক্রবর্তী



জ্যোতিষ ও তন্ত্রের সঠিক প্রয়োগে আপনার যে কোন জটিল ও কঠিন সমস্যার গ্যারান্টি সহ নিশ্চিত ও স্থায়ী সমাধান সম্ভব।

চৈত্র- শ্যামবাজার, কালীঘাট  
বরাহনগর, ও অন্যান্য।

তারাপীঠ সহ বিভিন্ন সিদ্ধ পীঠে  
তন্ত্র ক্রিয়ায় জটিল ও কঠিন  
সমস্যার সমাধান করা হয়।

9874179339 / 9433920478



রাঃ স্বাঃ  
অভিজ্ঞতা লব্ধ সনাতন জ্যোতিষী  
জ্যোতির্বিদ দেবপ্রী  
(জ্যোতিষ শাস্ত্রী জ্যোতিষ পদ্মশ্রী)  
A-8/ 189, Kalyani  
Ph.- 9748631103  
jdabosree@gmail.com

Astro Consultant

জন্মছক, হাত, বাস্তু, সংখ্যাতত্ত্ব, শাস্ত্রীয় বিধি দ্বারা

মানব জীবনের সাংসারিক, আর্থিক, বৈবাহিক, বিদ্যা

কেরিয়ার ও স্বাস্থ্য সহ সকল বিচার যত্ন সহকারে করা হয়।

হাতে কলমে জ্যোতিষ শিখুন, শিক্ষান্তে Certificate ও উপাধি

যারা জ্যোতিষ শিখছেন অথচ

প্রতিষ্ঠিত হতে পারছেন না

তারার যোগাযোগ করুন

9748631103

Certified Gem & Rudraksha Panchang



পি. কে. দাস জেমস  
১০০% অমূল্য গ্রন্থের (শিটিজিউড) কম দামে পণ্য যা  
৯৮৩০৩ ৮৯৬৪৫ / ৯১৬৩৩ ৪৬৯৯৩

২৬/৫/এ. বি.টি. রোড, কোলকাতা - ৩৬ (বরাহনগর থানার বিপরীতে) মানসী মার্কেটের ভিতর

সকল রকম বিজ্ঞাপন এবং ক্রোড়

পত্রিকায় গল্প, কবিতা, রান্নার

রেসিপি, ভ্রমণ কাহিনী আঁকা,

নিজের ফোনে তোলা ছবি ও

আপনাদের মতামত পাঠান। মোঃ -

৮৯১০৫৩৯২৯৭

সতর্কীকরণ:-বিজ্ঞাপনের

যাবতীয়

বক্তব্য একমাত্র বিজ্ঞাপন প্রদানকারীর

নিজের, দায়িত্বও তাঁর। "বলো

কলকাতা-এর" এর এতে কোনও

ভূমিকা নেই। পাঠকের সিদ্ধান্ত

সম্পূর্ণভাবে নিজস্ব। তাই প্রচারিত বা

ঝুঁকির ব্যাপারে সব জেনে নিয়েই

পদক্ষেপ নেবেন।

## বাড়ি/ঘর/ফ্ল্যাট ভাড়া

- J.D park মেট্রোয় কাছে  
ভবানীপুর 400 Sft. (AC) অফিস  
ঘর ভাড়া দেব। 9831632434

## জ্যোতিষ শিক্ষা

- জব ওরিয়েন্টেড কোর্স।  
অনলাইন / হাতে কলমে,  
জ্যোতিষ, তন্ত্র, শিখে স্বনির্ভর  
হোন। কলকাতা, মেচেদা।  
6294611974

## শিক্ষা

- অভিজ্ঞ নৃত্য শিল্পী (২৬ বছরের)  
দ্বারা কথক, ভরতনাট্যম, ওড়িশি  
সহ রবীন্দ্র নৃত্য ও ক্রিয়েটিভ  
শেখানো হয়। প্রাচীন কলাকেন্দ্র  
দ্বারা পরীক্ষার ও সার্টিফিকেট  
প্রদান করা হয়। সেশন শুরু  
১৫ই মার্চ। আসন সীমিত। বাস্কার  
কলাঙ্গন। (M) 9051960946

## স্বাস্থ্য ও চিকিৎসা

- যোগা, ফিজিওথ্যারাপী  
(ম্যানুয়াল ও মেশিনে)  
কলকাতার মধ্যেবাড়ি গিয়ে  
করি। ডাক্তার বাবুর পরামর্শ ও  
নির্দেশ অনুসারে। 8240236935
- অ্যাডভান্সড ইমিউনোথেরাপি  
জরায়ুতে টিউমার, পলিসিস্টিক  
ওভারী, গলব্লাডারে স্টোন, যে কোন  
ধরনের ক্যান্সার, কিডনির জটিল  
অসুখ বিনা অপারেশনে সম্পূর্ণ  
সরানো হয়। টেলিমেডিসিন No-  
8617553735

## REBEL FITNESS

"a complete fitness solution for  
you and your family"

- Fitness counseling
- Training at our centre.
- Training at your personal place
- Group classes
- Body transformation

Contact @ 7980684996

লিখতে  
চান ?  
ফোন করুন  
8240168370

## আজকের রাশিফল

### ২৪ শে মার্চ

- মেঘ - ভালোবাসায় আপ্লুত
- বৃষ - অসন্তোষ
- মিথুন - অনিশ্চিত সম্ভাবনা
- কর্কট - প্রচেষ্টায় সাফল্য
- সিংহ - দুশ্চিন্তা
- কন্যা - ঘুম ভেঙ্গে যায়
- তুলা - সুখলাভ
- বৃশ্চিক - ব্যবসায় লাভ
- ধনু - হতাশা
- মকর - অযথা হয়রানি
- কুম্ভ - স্বাস্থ্যের উন্নতি
- মীন - অহেতুক বাধা

গণনায় -জ্যোতির্বিদ দেবপ্রী  
৯৭৪৮৬৩১১০৩

## আকর্ষণীয়

### বিজ্ঞাপন ধামাকা অফার

আসন্ন বাংলা নববর্ষ, অক্ষয় তৃতীয়া ও মে  
দিবসে আপনার প্রিয়জন, বন্ধু এবং ব্যবসায়িক  
পরিজনদের ব্যক্তিগত বা প্রতিষ্ঠান গত ভাবে  
অতি স্বল্প মূল্যে শুভেচ্ছা বার্তা জানানোর ব্যবস্থা  
করেছে বলো কলকাতা অনলাইন দৈনিক  
পত্রিকা। একদিনের শুভেচ্ছা বার্তার মূল্যে  
তিনদিন-ই শুভেচ্ছা জানান।  
বিস্তারিত জানতে ও শুভেচ্ছা বার্তা প্রকাশের  
জন্য আজই যোগাযোগ করুন এইনম্বরে

+91 89105 39297

শুভেচ্ছাবার্তা পাঠানোর শেষ তারিখ ৩০ শে মার্চ ২০২৩

## DEBJIT SIR

### COACHING CLASSES

Mo: 98300 37937

English ( Honours , M.A. )

CU - IGNOU - RBU - Netaji

### Entrance Exam.

Preparation : WBCS , RAIL  
, BANK , CDS , IELTS ,  
PTE , CAT , GMAT

RASHBEHARI ( Badamtala )  
JADAVPUR ( Bijoygarh )

বলো কলকাতায় সাংবাদিক,  
লেখক ও সম্পাদকীয় বিভাগের  
কাজ শেখা বা করার জন্য লোক  
প্রয়োজন। আগ্রহীরা সত্বর  
যোগাযোগ করুন - ৮২৪০১৬৮৩৭০

## জন্মদিন

১৬৯৩ - ইংরেজ সূত্রধর ও ঘড়ি-নির্মাতা জন  
হ্যারিসন।  
১৮৬৩ - খ্যাতনামা আইনবিদ, রাজনীতিবিদ লর্ড  
সত্যেন্দ্রপ্রসন্ন সিংহ।  
১৮৭৪ - বিশ্বের অন্যতম সেরা জাদুকর হ্যারি হুডিনি।  
১৮৮৪ - নোবেল পুরস্কার বিজয়ী ডাচ বংশোদ্ভূত  
আমেরিকান পদার্থবিদ ও রসায়নবিদ পিটার  
জোসেফ উইলিয়াম ডিবাই।  
১৯০৯ - বাঙালি কবি নিশিকান্ত রায় চৌধুরী।  
১৯১৭ - নোবেল পুরস্কার বিজয়ী ইংরেজ  
প্রাণরসায়নী জন কেড্রেল।  
১৯২৫ - কাজী নূরুজ্জামান, বীর উত্তম  
খেতাবপ্রাপ্ত বাংলাদেশী মুক্তিযোদ্ধা, সেক্টর  
কমান্ডার।  
১৯৩০ - আমেরিকান অভিনেতা স্টিভ ম্যাকুইন।  
১৯৩৩ - অরুণকুমার বসু, রবীন্দ্র বিশেষজ্ঞ,  
শিক্ষক ও কালজয়ী বাংলা গানের স্রষ্টা। (মৃ. ২০১৬)  
১৯৪৪ - সার্বীয় শিক্ষাবিদ, রাজনীতিবিদ ও ৪র্থ  
প্রধানমন্ত্রী ভজিমাভ কস্টুনিকা।  
১৯৬০ - জার্মান গায়ক, গীতিকার এবং অভিনেত্রী  
নেনা।  
১৯৬১ - ডিন জোন্স, ইংরেজ সাবেক ক্রিকেটার।  
১৯৬৫ - দ্য আন্ডারটেকার, মার্কিন পেশাদার  
কুস্তীগির।  
১৯৭৩ - আমেরিকান অভিনেতা ও গায়ক জিম  
পারসন্স।

## মৃত্যুদিন

০৮০৯ - আরব পঞ্চম খলিফা হারুন আল-রশিদ।  
১৬০৩ - প্রথম এলিজাবেথ, ইংল্যান্ডের রানী।  
১৭৭০ - আশরাফ আলি খান (নবাব)  
১৭৭৬ - ইংরেজ সূত্রধর ও ঘড়ি-নির্মাতা জন  
হ্যারিসন।  
১৮৮২ - একজন মার্কিন হেনরি ওয়েডসওর্থ  
লংফেলো।  
১৯০৪ - একজন ইংরেজ কবি এডউইন আর্নল্ড।  
১৯০৫ - জুল ভার্ন, ফরাসি লেখক। (জ. ১৮২৮)  
১৯৪৬ - রাশিয়ান দাবাড়ু আলেকসান্দর  
আলেখিন।  
১৯৫০ - ব্রিটিশ রাষ্ট্রবিজ্ঞানী হ্যারল্ড ল্যাঙ্কিয়ার।  
১৯৭১ - রেডিসন ব্লু রয়েল হোটেল ও আর্ফস  
সিটি হলের পরিকল্পক আর্নি জাকবসেন।  
২০০২ - নোবেল পুরস্কার বিজয়ী আর্জেন্টিনার  
প্রাণরসায়নী সিজার মিলস্টেইন।  
২০০৫ - ভি বালসারা ভারতীয়  
সঙ্গীতপরিচালক, আবহসঙ্গীতপরিচালক ও যন্ত্র  
সঙ্গীত শিল্পী। (জ. ১৯২২)

## ইতিহাস

১৩০৭ - আলাউদ্দিন খিলজির সেনাপতি মালিক  
কাফুর দেবগিরি দুর্গ দখল করেন।  
১৩৫১ - ফিরোজ শাহ তুঘলক দিল্লির সিংহাসনে  
আরোহণ করেন।  
১৭৯৩ - চিরস্থায়ী বন্দোবস্ত ব্যবস্থা ঘোষিত হয়।  
১৮৬১ - লন্ডনে প্রথম ট্রাম চলাচল শুরু হয়।  
১৯০২ - বাংলায় অনুশীলন সমিতি গঠিত হয়।  
১৯১৮ - জার্মান বাহিনী সোমে নদী অতিক্রম করে।  
১৯৩৩ - এডলফ হিটলার জার্মানির একনায়ক হন।  
১৯৪০ - শেরেবাংলা এ কে ফজলুল হক উত্থাপিত  
লাহোর প্রস্তাব মুসলিম লীগের সভায় গৃহীত হয়।  
১৯৪৬ - লর্ড লরেন্সের নেতৃত্বে ব্রিটিশ কেবিনেট  
মিশন ভারতে আসে।  
১৯৪৮ - ঢাকা বিশ্ববিদ্যালয় সমাবর্তনে  
পাকিস্তানের গভর্নর জেনারেল মোহাম্মদ আলী  
জিন্নাহ রাষ্ট্রভাষা উর্দুর পক্ষে ভাষণ দিয়ে ছাত্রদের  
প্রতিবাদের সম্মুখীন হন।  
১৯৫৬ - পাকিস্তানকে ইসলামী প্রজাতন্ত্র ঘোষণা  
করা হয়।  
১৯৭৭ - যুক্তরাষ্ট্র এবং কিউবা সরাসরি আলোচনা  
শুরু করে।  
১৯৮২ - বাংলাদেশে জেনারেল হুসেইন মুহম্মদ  
এরশাদ একটি রক্তপাতহীন অভ্যুত্থানের মাধ্যমে  
জনগণের সরাসরি ভোটে নির্বাচিত রাষ্ট্রপতি  
বিচারপতি আবদুস সাত্তারকে হটিয়ে ক্ষমতা দখল  
করেন।





### পশ্চিমবঙ্গ বিপর্যয় মোকাবিলা দপ্তরের তরফ থেকে শ্রীরামপুর পৌরসভায় মক এক্সারসাইজ

**বিশ্বজিৎ সাহা, হুগলি :-** পশ্চিমবঙ্গ বিপর্যয় মোকাবিলা দপ্তরের তরফ থেকে ২৩ শে মার্চ ২০২৩ শ্রীরামপুর পৌরসভায় সাইক্লোন ডিসাজেটার এর ওপর স্টেট লেভেল মক এক্সারসাইজের আয়োজন করা হয়। ২০২০ সালের আশ্ফান ও প্রতিবছরই কোনো না কোনো প্রাকৃতিক বিপর্যয় যথেষ্ট প্রভাব ফেলে বাংলায়। দেখা যায় বহু মানুষ আহত হয় তাতে।

কিভাবে এই বিপর্যয় মোকাবিলা করবে তার জন্য শ্রীরামপুর এলাকার বিভিন্ন জায়গায় জেলাশাসকের উদ্যোগ মক ড্রিল আয়োজন করা হয়।

শ্রীরামপুরের বিভিন্ন অঞ্চলে কৃত্তিম ভাবে প্রাকৃতিক বিপর্যয় সৃষ্টি করা হয় এবং তারপরে দেখানো হয় কিভাবে সেসব পরিস্থিতি মোকাবিলা করা যায়। উদ্ধারকারী দল, বিদ্যুৎ সরবরাহ দপ্তর, দমকল বিভাগ কি ভাবে সেই অবস্থায় মোকাবিলা করা হয় তা দেখানো হয়। এবং এর পাশাপাশি এদিন শ্রীরামপুর কোর্ট সংলগ্ন ড্যানিস ভবনের সামনে একটি প্রেস মিটের আয়োজন করা হয়।



### দুর্বিষহ অবস্থায় ঘোষাল পরিবার

**নিজস্ব সংবাদদাতা, পূর্ব বর্ধমান :-**সমস্ত রকম সরকারি সুযোগ-সুবিধা থেকে বঞ্চিত ঘোষাল পরিবার, দুর্বিষহ অবস্থার মধ্যে দিন কাটাচ্ছে পরিবারটি। বর্ধমান ১ নম্বর ব্লক রায়ান ১ নম্বর গ্রাম পঞ্চায়েতের অন্তর্গত নারায়ণ দীঘি ক্যানেল বাঁধ এলাকায় বাস ঘোষাল পরিবারের। জনসাধারণের জন্য সরকার বিভিন্ন রকম জনমুখি প্রকল্প গ্রহণ করেছে। সেইসব প্রকল্প রূপায়ণের দায়িত্ব জনপ্রতিনিধি ও আধিকারিকদের। সরকার আসে যায়, পরিবর্তন হয় রাজনৈতিক দলের। কিন্তু এই অবস্থায় ৪০ বছর ধরে বসবাসকারী ঘোষাল পরিবারের কোনো পরিবর্তন হয়নি। ঘোষাল পরিবারের অসহায় বিধবা বৃদ্ধা জানিয়েছেন বহু কষ্টে দিনযাপন করতে হচ্ছে তাকে। অনেকবার বলার পরেও কোনরকম সুযোগ-সুবিধা পাচ্ছেন না। মেয়ে লোকের বাড়িতে কাজ করে, ছেলে দিনমজুরের কাজে যুক্ত, এই অবস্থায় দুবেলা দুমুঠো আহার ঠিক মতো জোটে না। বিদ্যুৎহীন ঘরে অন্ধকারেই কাটাতে হচ্ছে পরিবারের সকলকে। নেই লক্ষীর ভান্ডারের সুবিধা, নেই স্বাস্থ্য সাথীর কার্ড, বার্ষিক ভাতা, বিধবা ভাতা সব কিছু থেকেই একপ্রকার বঞ্চিত তারা। একমাত্র মাথা গোঁজার ঠাই সেই মাটির ঘর যেকোনোদিন ভেঙে পড়ে যেতে পারে। এক কথায় কঠিন অবস্থায় রয়েছে গোটা পরিবার।



মোদি পদবি সংক্রান্ত মানহানির মামলায় ২ বছরের সাজা হওয়ার পর মহাত্মা গান্ধির স্মরণে কংগ্রেস সাংসদ রাহুল গান্ধি! তিনি গান্ধিজির একটি মন্তব্য টুইট করেছেন। তবে এ বিষয়ে আর কোনও রাজনৈতিক প্রতিক্রিয়া এখনও তাঁর বা কংগ্রেসের তরফে পাওয়া যায়নি



### পুরীর মান্দিরে বাংলার মুখ্যমন্ত্রী

**নবনীতা ব্যানার্জী, কলকাতা:-** মাননীয় মুখ্যমন্ত্রী মমতা বন্দ্যোপাধ্যায় ভুবনেশ্বর সফরে যখন যায় কাজের সূত্রে এমন কখনো হয় নি তিনি পুরির মন্দির দর্শন না করে এসেছেন। ২০১৯ সালে শুধু তাকে মন্দিরে বাঁধা নিয়ে চরম অভিযোগ উঠেছিলো সেবায়তদের একাংশের বিরুদ্ধে। সেই সময়ে গোটা দেশ জুড়ে তর্ক বিতর্ক সৃষ্টি হয়েছিলো। তারপর থেকে যতবারই উনি গেছেন জনগণের মঙ্গলার্থ জগন্নাথ দেবের কাছে পূজো দিয়েছেন।

মঙ্গলবার হওয়াই জাহাজ চেপে তিনি পৌঁছে যান ভুবনেশ্বর। নবীন পট্টনায়কের সাথে দেখা করে মুখ্যমন্ত্রী যাবার ইচ্ছে পোষণ করেছেন পুরির জগন্নাথ দেবের দর্শনে।

মুখ্যমন্ত্রী এও বলেছেন ভুবনেশ্বর এসেছেন শুধুমাত্র সাক্ষাতের জন্যে আর অন্যকোনো বিষয় নয়। তারপর যাবেন পুরির জগন্নাথ দেবের দর্শনে।

কিন্তু শোনা যায় মন্দির বন্ধ থাকবে বুধবার। ওড়িশি ভাষায় "বানাকা লাগি" এর অর্থ শ্রী মুখি শৃঙ্গার এর জন্যে বছরের সাত থেকে আটবার এই রীতি চলে আসছে পুরিতে। গর্ভগৃহে রীতিনীতি অনুযায়ী চলে বিধি অনুষ্ঠান, জগন্নাথদেব কে সাজানো হয় নতুন বস্ত্র ও অলঙ্কারে তার সাথে বলরাম ও শুভদ্রাকে। ভগবানের শৃঙ্গারের দায়িত্বে থাকবেন চিরাচরিত প্রথা অনুযায়ী দত্ত মহাপাত্ররা। এই কারণের জন্যে পুরির মন্দির বন্ধ থাকবে বুধবার চার ঘন্টার জন্যে। সেই সময়ে গর্ভগৃহে রীতিমত নিয়ম চলবে শৃঙ্গারের পর রত্ন বিছানায় রাখা হয় ভাগবান কে। শোনা যায় এখানে শুরুর অধ্যায় থেকে চলে আসছে জঙ্গলের চার উপাদান ব্যবহার করা হতো এখনও এক নিয়মালাল রঙের হরিলতা, হলুদ রঙের হেঙ্গুলা ও সাদা শঙ্খ, আর জগন্নাথ দেবের জন্যে কালো রঙ।

আমরা দেখেছি বাংলার মুখ্যমন্ত্রী মমতা বন্দ্যোপাধ্যায় যে কোন দায়িত্বে অটল। তাই তিনি নিশ্চিত রূপে জনগণের মঙ্গলের জন্যে সঠিক সিদ্ধান্ত নেবেন।



### কু-পুত্র যদিও বা হয়, কু-মাতা কখনও নয়

**নিজস্ব সংবাদদাতা, বলো কলকাতা :-**কু-পুত্র যদিও বা হয়, কু-মাতা কখনও নয় এই প্রবাদ প্রচলিত রয়েছে বহু যুগ ধরে। কিন্তু দুর্গাপুরের কুড়ুরিয়াডাঙা মিলনপল্লীতে দুই সন্তান-সহ ছেলে ও বৌমার অস্বাভাবিক মৃত্যুতে অভিযুক্ত। মৃত অমিত কুমার মণ্ডল সুইসাইড নোটে তাঁদের মৃত্যুর জন্য দায়ী করেছে যাদেরকে তাঁদের মধ্যে প্রথমেই আছে মা বুলারানি মণ্ডলের নাম। এই ঘটনায় বাড়ির কত্রী বুলারানি মণ্ডল-সহ গ্রেফতার তিন। সোমবার ধৃতদের দুর্গাপুর মহকুমা আদালতে তোলা হলে বিচারক ধৃত তিনজনের অমিতের মধ্যে মামাতো দাদা প্রশান্ত কুমার নায়েককে দশদিনের পুলিশি হেফাজতের নির্দেশ দিলেও মা বুলারানি মণ্ডল ও মামাতো বৌদি শিলা নায়েককে ১৪ দিনের জেল হেফাজতের নির্দেশ দেন।



ছাত্র-ছাত্রীর সংখ্যা ১২। শিক্ষক-শিক্ষিকা রয়েছে ৫ জন। তার মধ্যে স্কুলের সামনে যত্রতত্র ঝুলছে জামাকাপড়। এমনই অবস্থা মেদিনীপুরের এক প্রাথমিক স্কুলের।



নদীয়ার মাটিয়ারীতে আইডিএস ওর পক্ষ থেকে ভগৎ সিং এর ৯৩ তম শহীদ দিবস পালন খুদে পড়ুয়াদের।

### আজকের আবহাওয়া

আকাশ সারাদিন রৌদ্রজ্বল থাকবে।  
বৃষ্টির সম্ভাবনা সেই ভাবে কিছু নেই।

দিনের সর্বোচ্চ তাপমাত্রা  
৩২ ডিগ্রি সেলসিয়াস

রাতের তাপমাত্রা ২৪ ডিগ্রি  
সেলসিয়াসের আসে পাশে থাকবে।

বাতাসে আর্দ্রতার পরিমাণ ৭১ শতাংশ।

### সময় সারণী

আজ: ৯ চৈত্র ১৪২৯ বঙ্গাব্দ, শুক্রবার,  
ইংরেজী: ২৪ মার্চ ২০২৩

সূর্য উদয়: সকাল ০৫:৩৯  
এবং অস্ত: বিকাল ০৫:৪৬।

### তিথি

শুরু পক্ষ: তৃতীয়া (জয়া)  
রাত্রি: ০৭:২৮ পর্যন্ত

### জোয়ার-ভাটা

আজকে কোলকাতায় জোয়ার শুরু সকাল ০৬:৪৭ এ। জলস্তর সর্বোচ্চ সীমায় পৌঁছবে বেলা ১১:৩৮ টায়। এরপর ভাটা শুরু।  
দ্বিতীয়বার জোয়ার শুরু সন্ধ্যা ০৭:০৩ এ। জলস্তর সর্বোচ্চ সীমায় পৌঁছবে রাত্রি ১১:৫২ টায়, এরপর ভাটা শুরু।



### শহীদ দিবসে বামেরা

**বলো কলকাতা, নিউজ ডেস্ক:-** আত্মবলিদান দিবস উপলক্ষে মিন্টো পার্কে শহিদ ভগৎ সিং উদ্যানে ভগৎ সিং, শহিদ রাজগুরু এবং শহিদ সুখদেবের উদ্দেশ্যে বামফ্রন্টের তরফ থেকে শ্রদ্ধা জ্ঞাপন করা হলো। উপস্থিত ছিলেন বামফ্রন্ট চেয়ারম্যান বিমান বসু, সিপিআইএম নেতা সূর্যকান্ত মিশ্র, ডিওয়াইএফআই রাজ্য সম্পাদক মীনাক্ষী মুখার্জি সহ অন্যান্যরা।



আগামী ২৮ মার্চ বিশ্বভারতীর সমাবর্তন। সেখানে উপস্থিত থাকবেন রাষ্ট্রপতি দ্রৌপদী মুর্মু। ওই সময়ে তাঁর সঙ্গে দেখা করে দেউচা-পাচামি সহ একাধিক বিষয় নিয়ে সমস্যার কথা জানাতে পারেন আদিবাসীরা। এই বিষয়ে মধ্যস্থতা করতে পারে বিশ্বভারতী।





## সম্পাদকীয়

প্রিয় পাঠক,

অনেকদিন পর জাতীয় ক্লাব মোহনবাগানের হাত ধরে বাংলার মাথায় উঠলো শ্রেষ্ঠত্বের শিরোপা। খবরটা পুরানো, সবাই জানেন একরুদ্ধশ্বাস লড়াইয়ের শেষে ব্যাঙ্গালোর এফ সি কে ট্রাইবেকারে হারিয়ে এই গর্বের পালক বাংলার মাথায় এনে দিয়েছে বাংলার অগণিত ফুটবল প্রেমী মানুষের নয়নের মনি মোহনবাগান অ্যাথলেটিক ক্লাব। হ্যাঁ সচেতন ভাবেই লিখলাম সেই গর্বের নাম বুক ভরা আবেগের ক্লাব মোহনবাগান অ্যাথলেটিক ক্লাব। কারণ বেশ কয়েক বছর মোহনবাগানের কর্মকর্তারা ক্লাব খরচ ও ক্লাবকে আন্তর্জাতিক স্তরে নিয়ে যাবার উদ্দেশ্যে বিদেশি নাম করা ফুটবল টিম অ্যাথলেটিকোর সাথে গাঁটছড়া বাঁধে। নতুন নাম হয় এটিকে মোহনবাগান। তাদের জার্সির কালার এক থাকলেও ডিজাইনের কিছু পরিবর্তন আনা হয় জার্সিতে ওই অ্যাথলেটিকো ক্লাবের সাথে সামঞ্জস্য রেখে। কিন্তু প্রানের প্রিয় মেরিনার্স রা সেটা মন থেকে মেনে নিতে পারে নি। প্রথমে চাপা অসন্তোষ শুরু, তারপর ধীরে ধীরে তা বৃদ্ধি পেতে থাকে। সাথে ক্লাবের পারফরমেন্স ও সেই পর্যায়ে পৌঁছায় না। সমর্থকরা বিক্ষোভ শুরু করে, এর মধ্যে জাতীয় লীগ তার কৌলিন্য হারায়, আসে বিশ্ব ফুটবলের ধাঁচে ইন্ডিয়ান সকার লীগ। প্রথম দিকে আর্থিক ও নিয়মের বেড়া জালে মোহনবাগান সহ কলকাতার কোনো দলই এই লীগে খেলার সুযোগ পাই নি। পরবর্তী কালে ফ্রাঞ্চাইজি ও স্পনসরদের চেষ্টায় প্রথমে এটিকে মোহনবাগান ও পরে কলকাতার ইস্টবেঙ্গল ক্লাব এই টুর্নামেন্টে খেলার সুযোগ পায়। বলে রাখা ভালো ইস্টবেঙ্গলের এই আই এস এল খেলার পেছনে মাননীয় মুখ্যমন্ত্রীর একটা সদর্থক চেষ্টায় তা স্বস্তির রূপ পায়। কিন্তু কলকাতার দুটি দলই সেরকম পারফরমেন্স করতে পারেনি প্রথম কয়েকটা বছর। তবু গত বছর মোহনবাগান এক সময় আশা জাগিয়ে সেমিফাইনালে পৌঁছে ছিল। কিন্তু শেষ রক্ষা হয় নি। সে বছর ও ইস্টবেঙ্গল শেষ স্থানে অবস্থান করে লীগ শেষ করে। কিন্তু মোহনবাগান প্রথম থেকেই নতুন কোচ আর্ম্যান্দো কোলাসর তত্ত্বাবধানে দৃঢ় প্রতিজ্ঞ হয়ে খেলা শুরু করে। সাপ লুডোর মতো এই লীগ কখনো টিমকে উপরে কখনো নীচে নিয়ে আসতে থাকে। কিন্তু শেষ হাসি মোহনবাগানই হাসে। এবং প্রথমবার এই কর্পোরেট লীগ নিজেদের ঘরে আনে এবং বাংলার ফুটবল কে আরও একবার গৌরবান্বিত করে। এর মধ্যে ক্লাব প্রশাসন সমর্থক দের আবেগ কে সম্মান দিয়ে ও স্থানীয় কর্পোরেট সংস্থার থেকে স্পনসরশিপের আশ্বাস পেয়ে অ্যাথলেটিকোর সাথে সম্পর্ক ছিন্ন করে আবার ফিরে আসে সেই মোহনবাগান সুপার জাইন্ট রূপে। ভারত বিজয়ের পর ক্লাবের লনে বিজয় উৎসবে রাজ্যের মুখ্যমন্ত্রী মাননীয় মমতা ব্যানার্জীর মুখ দিয়ে ঘোষণা করেন যে মোহনবাগান আছে মোহনবাগানেই। আবার পালতোলা নৌকা চলবে নিজের গতিতেই। আজ বাঙালির এই সোনালী দিনে শ্রদ্ধা জানাই তাদের যারা নিজেদের বাড়ি, পরিবার ছেড়ে গড়ে তুলেছিলেন এই স্বপ্নের ফুটবল ক্লাব। আমরাও অনুপ্রাণিত এই ঘটনায়, আজ বলো কলকাতা একটি ছোট চাড়া গাছ মাত্র। কিন্তু স্বপ্ন দেখি এবং আশারাখি একদিন এই চাড়া গাছ মহিষ্কৃতে পরিনত হবে, বাংলার ঘরে ঘরে পৌঁছে যাবে একটাই নাম বলো কলকাতা নেটওয়ার্ক, বলো কলকাতা টিভি ও বলো কলকাতা ইপেপার। লড়াই ছিল, চলবে আর পাশে থাকবেন আপনারা। কারণ আপনারাই আমাদের ঈশ্বর আমাদের ভগবান। আপনাদের আশীর্বাদে আমরা লক্ষ্যে পৌঁছাবই। ভালো থাকবেন নমস্কার।

সৌমিক সান্যাল

সম্পাদক-বলো কলকাতা



## সৌদি লীগ নিয়ে বিস্তৃত রোনাল্ডো!

**বলো কলকাতা, নিউজ ডেস্ক :-**সৌদি প্রিমিয়ার লিগের ক্লাব আল নাসেরে খেলছেন ক্রিস্টিয়ানো রোনাল্ডো। সৌদি মূল্যে গিয়ে খেলছেন বলে তাঁকে গোড়ার দিকে সমালোচনার মুখোমুখি হতে হয়েছিল। কিন্তু রোনাল্ডো ধীরে ধীরে খোলস থেকে বেরিয়ে এসেছেন। গোল করছেন, গোল করাচ্ছেন। সম্প্রতি ইউরো কাপের (Euro Cup) যোগ্যতা পর্বের ম্যাচ খেলার জন্য জাতীয় দলে ডাক পেয়েছেন তিনি। পর্তুগালের কোচ রবার্তো মার্টিনেজ জানিয়েছিলেন, বয়স কোনও ফ্যাক্টর নয়। রোনাল্ডো আল নাসের ক্লাবের হয়ে খেলেছেন ১০টি ম্যাচ। ইউরো ২০২৪-এর যোগ্যতা পর্বের ম্যাচে পর্তুগালের সামনে লিশটেনস্টাইন।

দেশের জার্সিতে নামার আগে রোনাল্ডোকে প্রশ্ন করা হয়েছিল, সৌদি লিগ নিয়ে। প্রশ্নের জবাবে রোনাল্ডো বলেন, 'এটা ঠিক যে সৌদি লিগ প্রিমিয়ার লিগ নয়। আমি মিথ্যা কথা বলব না। কিন্তু এই লিগ দেখে আমি বিস্মিত হয়েছি। এই লিগ আরও বড় হতে পারে। তার জন্য উন্নতিও করছে এই লিগ।

সৌদি আরবের ক্লাবে রোনাল্ডো যোগ দেওয়ায় সেই দেশের লিগের জনপ্রিয়তা বেড়ে গিয়েছে। যাঁরা অতীতে সৌদি প্রিমিয়ার লিগ দেখতেন না, রোনাল্ডো আসার পরে তাঁরাও ঝুঁকে পড়েন এই লিগের দিকে। সৌদি আরবের ক্রীড়ামন্ত্রী আবদুলআজিজ বিন তুরকি আল ফয়জল সম্প্রতি বলেছেন, 'আমি একটা উদাহরণ দিচ্ছি, রোনাল্ডো যোগ দেওয়ার পরই দুনিয়াজুড়ে ১৩৭টি চ্যানেলে সৌদি লিগ সম্প্রচার করা হচ্ছে। আমরা গোড়াতেই এমন চেষ্টা করেছিলাম। কিন্তু সেই সময়ে উৎসাহ দেখানো হয়নি। কিন্তু একজন প্লেয়ার যোগ দেওয়ায় গোটা বিশ্বে তা ছড়িয়ে পড়ে



## এনক্লোজারে জগাই-মাধাই

**বলো কলকাতা, নিউজ ডেস্ক :-**বছর খানেক আগেকার ঘটনা। বাংলাদেশে পাচারের সময় উত্তর ২৪ পরগনা জেলার হাসনাবাদ থেকে দুটি শ্লথ প্রজাতির ভল্লুক শাবক উদ্ধার করে বনদপ্তর। গত মার্চ মাসে তাদের উদ্ধার করে আলিপুর চিড়িয়াখানায় পাঠানো হয়। প্রায় একবছর পর প্রকাশ্যে এল তারা।

বৃহস্পতিবার তাদের ছাড়া হল এনক্লোজারে। আর ছাড়া পেয়েই নিজেদের মধ্যে খুনসুটি করতে দেখা গেল হিমালয়ান ভল্লুকদের। আদর করে চিড়িয়াখানার কর্মীরা তাদের নাম দিয়েছেন - জগাই আর মাধাই। এবার থেকে দর্শকরা দেখতে পাবেন তাদের।

তখন তাদের বয়স ছিল মাত্র দু'মাস। দু'জনের মধ্যে একজনের ওজন ছিল মাত্র ২ কেজি। আরেকজন ছিল আড়াই কেজির মতো। দু'জনই পুরুষ। যখন তাদের চিড়িয়াখানায় আনা হয়েছিল তখন নিজের পায়ে ঠিকমত হাঁটতে পারত না। দুধ ছাড়া কিছুই খেত না। তখন থেকেই চিড়িয়াখানা কর্তৃপক্ষ দুই শাবকের অভিভাবক। তবে কয়েক মাস যেতেই চক্ষু চড়কগাছ হয়ে যায় চিড়িয়াখানা কর্তৃপক্ষ। ভল্লুক শাবকদের দেহের গঠনে হঠাৎ যেন কেমন পরিবর্তন দেখা দেয়। শ্লথ ভল্লুক বলে যাদের লালনপালন করা হচ্ছে তাদের হাবভাব অবশ্য তা বলছিল না। এরপর নিশ্চিত হতে শাবক দুটির জেনেটিক পরীক্ষা করা হয়। তাতে জানা যায়, ভল্লুক শাবক দুটি হিমালয়ান প্রজাতির।



**রাশিয়ার আক্রমণের পর ইউক্রেনের পুনরুদ্ধার এবং পুনর্গঠনে আগামী এক দশকেরও বেশি সময় ধরে ৪১১ বিলিয়ন মার্কিন ডলার খরচ পড়বে। ভারতীয় মুদ্রায় যার পরিমাণ ৩ লক্ষ কোটি টাকারও বেশি। এর মধ্যে শুধুমাত্র যুদ্ধের কারণে হওয়া ধ্বংসস্তূপ পরিষ্কার করার খরচই পড়বে ৫ বিলিয়ন মার্কিন ডলার। বুধবার বিশ্বব্যাংকের একটি প্রতিবেদনে এই তথ্য প্রকাশিত হয়েছে।**



**বয়স্ক মহিলার নাচে মুগ্ধ কিং খান**  
**বলো কলকাতা, নিউজ ডেস্ক :-**দেশ ও বিদেশের প্রেক্ষাগৃহে রমরম করে চলেছে শাহরুখ খান, দীপিকা পাডুকোন ও জন আব্রাহাম অভিনীত ছবি 'পাঠান'। ওটিটিতে মুক্তি পেয়েছে এই ছবি। এবার 'ঝুমে জো পাঠান' গানে এক বয়স্ক মহিলার নাচ সাড়া দিল স্বয়ং শাহরুখ খানকে। ওটিটিতে পাঠান মুক্তি পাওয়ার পর, অভিনেতা শাহরুখ খান তাঁর ভক্তদের একাধিক প্রশ্নের উত্তর দিয়েছেন, ও তাদের পাঠানো ভিডিওগুলিতে প্রতিক্রিয়া জানিয়েছেন।




## লাভ ম্যারেজে অঙ্কুশ!

**বলো কলকাতা, নিউজ ডেস্ক :-**ছবিকে হিট করতে একের পর এক ফন্দি আঁটছেন অঙ্কুশ ও ঐন্দ্রিলা। প্রথমে বিয়ের খবর ভাইরাল আর এবার রঞ্জিত মল্লিককে সঙ্গে নিয়ে অঙ্কুশের নানা কাণ্ড! গল্পোটা হল, পয়লা বৈশাখে মুক্তি পেতে চলেছে অঙ্কুশ-ঐন্দ্রিলার ছবি লাভ ম্যারেজ। এই ছবিতে অঙ্কুশের বাবার চরিত্রে দেখা যাবে রঞ্জিত মল্লিককে।



**বৃহস্পতিবার কঙ্কনা রানাওয়াতের জন্মদিন। আর এই বিশেষ দিনে তাঁর মন্তব্যে যাঁরা অসন্তুষ্ট হয়েছেন, তাঁদের কাছে ক্ষমা চেয়ে নিয়েছেন বলিউডের কুইন। ইনস্টাগ্রামে একটি ভিডিও বার্তা দিয়েছেন তিনি।**



## গেরুয়ায় রঙিন নুসরত!

**বলো কলকাতা, নিউজ ডেস্ক:-** দীপিকা পাডুকোনের পরে এবার গৈরিক রং ধারণ করলেন নুসরত জাহান! বৃহস্পতিবার আচমকাই তিনি রঙিন গেরুয়া উজ্জ্বল পোশাকে। তিনি কি বলিউড নায়িকার মতোই 'বেশরম' হলেন? বলা মুশকিল। তবে এদিন তাঁর সাজে গেরুয়া ব্রালেট। হাঁটুছোঁয়া গেরুয়া স্লিট স্কার্ট।





## পশ্চিমবঙ্গ সমবায় বাঁচাও মঞ্চের হুগলি জেলা কমিটির উদ্যোগে স্মারকলিপি জমা

**নিজস্ব সংবাদদাতা, হুগলি:-** সমবায় যে কোনো উন্নয়নশীল সমাজের অর্থনৈতিক উন্নয়নের একটা স্তম্ভ হিসেবে ধরা হয়, সমবায় যে কোন স্থানীয় অর্থনীতিকে মজবুত রাখতে সাহায্য করে। তাই সমবায়ের গুরুত্ব সাধারণ মানুষ তথা সমাজের কাছে খুবই গুরুত্বপূর্ণ। হুগলি জেলায় প্রায় ৮০০ র মতন সমবায় সমিতি রয়েছে সুতরাং বোঝাই যাচ্ছে সারা পশ্চিমবঙ্গে তার সংখ্যাটা কত হতে পারে। এই সমস্ত সমবায় সমিতি গুলোকে রক্ষা করার জন্য পশ্চিমবঙ্গ সমবায় বাঁচাও মঞ্চ দীর্ঘদিন ধরে কাজ করে চলেছে। বৃহস্পতিবার সমবায় বাঁচাও মঞ্চ-হুগলি জেলা কমিটির উদ্যোগে সঠিক সময়ে সমবায় গুলিকে নির্বাচন, সমবায় গুলোকে রক্ষা করা, সঠিক সময়ে সদস্যদের ডিভিডেন্ট পাওয়া সহ আট দফা দাবি নিয়ে, আজ ডেপুটি ডিরেক্টর অফ কো-অপারেটিভ সোসাইটির হাতে স্মারকলিপি জমা দেওয়ার কর্মসূচি পালিত হলো। পশ্চিমবঙ্গ সমবায় বাঁচাও মঞ্চ হুগলি জেলা কমিটির সভাপতি রতন সেন জানান আগামী দিনে সমবায় নিয়ে তাদের অনেক পরিকল্পনা রয়েছে এবং সমবায় আন্দোলন সম্বন্ধে কিছু সেমিনার করাও তাদের ইচ্ছা আছে এছাড়াও তাদের যে আট দফা দাবি সেগুলোকে মানুষের সামনে তুলে ধরতে তারা বন্ধপরিচর রতন বাবু আরো জানান মানুষকে নিয়েই এই সমবায় আন্দোলন তথা সমবায় বাঁচাও আন্দোলন তারা এগিয়ে নিয়ে যাবেন। রতন বাবু বলেন দিকে দিকে সমবায় গুলিতে যেসব দুর্নীতি করছে সে ব্যাপারে সঠিক অভিযোগ পত্র জমা দিলে সে বিষয়ে তদন্ত করবেন বলে তাদের জানিয়েছেন ডেপুটি ডিরেক্টর অফ কো-অপারেটিভ সোসাইটি, এছাড়াও কিছু দাবির ব্যাপারে আগামী দিনে এই মঞ্চ আইনের সহায়তা নেবে বলেও তিনি জানান।



## শহীদ ভগৎ সিং স্মরণে স্বেচ্ছায় রক্তদান শিবির

**নিজস্ব সংবাদদাতা, পূর্ব বর্ধমান:-** ভারতে শহীদ দিবস হিসাবে আলাদা আলাদা ছয়টি দিবসকে ঘোষণা করা হয়েছে। যারা জাতির জন্য আত্মোৎসর্গ করেছে, তাদের শহীদ হিসাবে স্বীকৃতি দেওয়াই শহীদ দিবসের মূল উদ্দেশ্য। বৃহস্পতিবার ২৩শে মার্চ শহীদ দিবস। বৃহস্পতিবার শহীদ ভগৎ সিং ৯২তম আত্মবলিদান উপলক্ষে স্বেচ্ছায় রক্তদান শিবিরের আয়োজন করা হয়। রক্তদান শিবিরের আয়োজন করে পূর্ব বর্ধমান জেলার খণ্ডঘোষ ট্রেড ইউনিয়ন সমন্বয় কমিটি। "হারুর রক্তে বেঁচেছে হারুন, রহিম দিয়েছে রামকে, সামান্য দান অসামান্য হয়, রক্ত বাঁচায় প্রাণকে" এই স্লোগানকে পাথেয় করে খণ্ডঘোষ ব্লকের শালুন ব্রিক ফেল্ড এসোসিয়েশন অফিসে অনুষ্ঠিত হয় রক্তদান শিবিরের অনুষ্ঠান। রক্তদান শিবিরে ৫০ জন রক্তদাতা তাদের অমূল্য রক্ত দান করেন। সংগৃহীত রক্ত তুলে দেওয়া হয় বর্ধমান মেডিকেল কলেজ ও হাসপাতালের হাতে। প্রত্যেক রক্তদাতাকে একটি করে মেহগনি গাছের চারা উপহার স্বরূপ তুলে দেওয়া হয় আয়োজকদের তরফে।



## হুগলি -চুঁচুড়া পৌরসভার কাউন্সিলরের দুর্নীতির বিরুদ্ধে বিজেপির বিক্ষোভ কর্মসূচি

**সন্তু মুখার্জী, হুগলী:-**হুগলি-চুঁচুড়া পুরসভার চার নম্বর ওয়ার্ডের কাউন্সিলর সরস্বতী পালের পদত্যাগের দাবিতে বিক্ষোভ বিজেপির বৃহস্পতিবার। প্রসঙ্গত বুধবার সরস্বতীর বিরুদ্ধে পুর-নিয়োগে স্বজনপোষণের অভিযোগ তোলেন বিজেপির রাজ্য সভাপতি সুকান্ত মজুমদার। এরপরই বৃহস্পতিবার সকালে পুরসভার সামনে এসে বিক্ষোভ দেখাতে শুরু করে বিজেপি। দলের হুগলি মন্ডলের সভাপতি রাকেশ যাদবের নেতৃত্বে পুর-গেটের সামনে চলে বিক্ষোভ। এই দিন পৌরসভার তরফ থেকে জানানো হয় কোন রকম দুর্নীতির সঙ্গে বর্তমান পৌরবোর্ড কোন আপোষ করে না, রাজ্যে গণতন্ত্র আছে বলেই বিজেপির মতো দলগুলি এই ধরনের কর্মসূচি করতে পারছে। এছাড়া আলো বলেন দিল্লিতে মোদির বিরুদ্ধে স্লোগান তোলায় পুলিশকে দিয়ে গ্রেফতার ও করা হয়েছে। এই অভিযোগের পাল্টা অভিযোগ করে বিজেপি নেতা রাকেশ যাদব বলেন চুঁচুড়া পৌরসভার চার নম্বর ওয়ার্ডের কাউন্সিলর সরস্বতী পাল অবৈধভাবে ২২ জনকে চাকরি করে দিয়েছেন এবং বেআইনি নিয়োগ হয়েছে ২২০০ জনের। এছাড়াও তিনি আরো বলেন পৌরসভার বহু কর্মচারী কাজে না এসেই বেতন পান এবং যারা পৌরসভায় এসে কাজ করেন তাদেরই ঠিকমতো বেতন দিতে পারে না পৌরসভা। বিজেপির তরফ থেকে আরও দাবি করা হয়, হুগলি জেলার চুঁচুড়ার ঐতিহ্য বিদ্যাভবন যা সংগ্রহশালা হিসেবে করে তোলার কথা ছিল সেটি প্রোমোটারের হাতে তুলে দেওয়ার চেষ্টা করছে বর্তমান পৌরবোর্ড।



## বন্যা বা নৌকাডুবির মতো ঘটনায় নিজেদের জীবনকে সুরক্ষিত রাখতে বিশেষ প্রশিক্ষণ শিবিরের আয়োজন ব্লক প্রশাসনের

**সায়ন মোদক, নদীয়া :-** নদীয়ার শান্তিপুরের নৃসিংহপুর কালনাঘাটে বিশেষ প্রশিক্ষণ শিবিরের আয়োজন বৃহস্পতিবার। মূলত বন্যা মানেই নদী তীরবর্তী এলাকার বসবাসকারী মানুষদের মধ্যে আতঙ্ক। অনেক পরিবারই ভিটেমাটি ছেড়ে সরকারি স্কুল কলেজ গুলিতে গিয়ে আশ্রয় নেয়। বন্যা হলে আপৎকালীন সময় কিভাবে নিজেদের সুরক্ষা নিজেরা করা যায় এবং নৌকাডুবির মতো ঘটনা ঘটলে কিভাবে নিজেরাই নিজেদেরকে বাঁচানোর চেষ্টা করবেন সেই নিয়ে এক বিশেষ সচেতনতা শিবির ও প্রশিক্ষণ শিবিরের আয়োজন করল ব্লক প্রশাসন। এদিন নদীয়ার শান্তিপুরের নৃসিংহপুর কালনাঘাটে এই প্রশিক্ষণ শিবিরের আয়োজন করা হয়। উপস্থিত ছিলেন শান্তিপুর ব্লক সমষ্টি উন্নয়ন আধিকারিক প্রণয় মুখার্জী, শান্তিপুর হরিপুর পঞ্চায়েতের প্রধান শোভা সরকার সহ ব্লক প্রশাসনের শীর্ষ কর্তারা। যদিও এই প্রশিক্ষণ শিবিরে অংশগ্রহণ করে অগ্নি নির্বাপন দপ্তর, সিভিল ডিফেন্স কুইক রেসপন্স টিম সহ বিভিন্ন দপ্তর। যদিও এই প্রশিক্ষণ শিবিরে বিশেষভাবে ভূমিকা নিতে দেখা যায় সিভিল ডিফেন্স কুইক রেসপন্স টিমের সদস্যদের। যদিও দীর্ঘসময় ধরে চলে এই প্রশিক্ষণ শিবির। তবে প্রশিক্ষণ শিবির চলাকালীন ফেরিঘাট সংলগ্ন এলাকায় বসবাসকারী মানুষের উপস্থিতি ছিল চোখে পড়ার মতো। উল্লেখ্য গত কয়েক বছর আগে ভবা পাগলার মেলা চলাকালীন নৃসিংহপুর কালনাঘাটে এক ভয়াবহ নৌকাডুবির দুর্ঘটনা ঘটে, যেখানে প্রাণ হারায় একাধিক মানুষ। উদ্ধার কার্যে দিনরাত এক করে দেয় সিভিল ডিফেন্স কুইক রেসপন্স টিম সহ বিপর্যয় মোকাবিলা দপ্তর, এরপর উদ্ধার হয় একের পর এক মৃতদেহ। তারপর থেকেই এক নতুন করে আতঙ্ক এখনো ঘুরে বেড়াচ্ছে ফেরিঘাট সংলগ্ন বসবাসকারী মানুষদের মধ্যে। তাই আপতকালীন পরিস্থিতিতে কি কি করণীয়, কি কি করলে নিজের জীবনকে রক্ষা করা যাবে সেই নিয়েই এই বিশেষ প্রশিক্ষণ শিবিরের আয়োজন ব্লক প্রশাসনের যদিও এই প্রশিক্ষণ শিবিরটি একদিনের জন্য আয়োজন করা হয়।



## দ্রব্যমূল্যের বৃদ্ধি নিয়ে সরব নবদ্বীপে তৃণমূল কংগ্রেস

**নিজস্ব সংবাদদাতা, নদীয়া:-** নদীয়ার নবদ্বীপে ব্লক তৃণমূল কংগ্রেসের উদ্যোগে নবদ্বীপ ব্লকের স্বরূপগঞ্জ ফেরিঘাট ঘাট এলাকায় ব্লক তৃণমূল দলীয় কংগ্রেসের কার্যালয়ে থেকে এক মহা মিছিলের আয়োজন করা হয় বৃহস্পতিবার। কেন্দ্রীয় সরকারের জনবিরোধী নীতি ও পেট্রোল ডিজেল সহ রান্নার গ্যাসের অস্বাভাবিক মূল্য বৃদ্ধির প্রতিবাদী মূলত এদিনের প্রতিবাদ মিছিল বলে জানা গিয়েছে দলীয় সূত্রে। মিছিলের অগ্রভাগে উপস্থিত ছিলেন নবদ্বীপ পৌরসভার পৌরপতি বিমান কৃষ্ণ সাহা ও নবদ্বীপ পঞ্চাশ সমিতির সভাপতি তাপস ঘোষ সহ নবদ্বীপ ব্লক তৃণমূল কংগ্রেসের সভাপতি কল্লোল কর। এছাড়াও মিছিলে উপস্থিত ছিলেন কয়েকহাজার তৃণমূল কর্মী সমর্থকরা। মিছিলটি স্বরূপগঞ্জ ঘাট সংলগ্ন তৃণমূলের দলীয় কার্যালয়ে থেকে বেরিয়ে বিভিন্ন এলাকা ঘুরে সূর্য সংঘ ক্রীড়াঙ্গনে গিয়ে শেষ হয়। কেন্দ্রীয় সরকারের জনবিরোধী নীতি ও পেট্রোপণ্য ও নিত্য প্রয়োজনীয় জিনিসপত্রের অস্বাভাবিক মূল্য বৃদ্ধির বিরুদ্ধেই মূলত এই দিনের প্রতিবাদ মিছিল বলে জানিয়েছেন নবদ্বীপ ব্লক তৃণমূল কংগ্রেসের সভাপতি কল্লোল কর।

পেট্রোল ডিজেল ও রান্নার গ্যাসের অস্বাভাবিক মূল্যবৃদ্ধি সহ রাজ্যের প্রতি কেন্দ্রের বঞ্চনার প্রতিবাদে নবদ্বীপ ব্লক তৃণমূল কংগ্রেস কমিটির উদ্যোগে এক প্রতিবাদ মিছিল অনুষ্ঠিত হল নবদ্বীপ ব্লকের স্বরূপগঞ্জ ঘাট সংলগ্ন নবদ্বীপ ব্লক তৃণমূল কংগ্রেসের দলীয় কার্যালয় থেকে। এই প্রতিবাদ মিছিলে উপস্থিত ছিলেন নবদ্বীপ পুরসভার চেয়ারম্যান বিমান কৃষ্ণ সাহা। এছাড়া উপস্থিত ছিলেন নবদ্বীপ পঞ্চায়েত সমিতির সভাপতি তাপস ঘোষ সহ নবদ্বীপ ব্লক তৃণমূল কংগ্রেস কমিটির সভাপতি কল্লোল কর সহ কয়েক হাজার তৃণমূল কর্মী সমর্থকরা। মিছিলটি স্বরূপগঞ্জ ঘাট সংলগ্ন এলাকা থেকে বেরিয়ে কলাতলা মোড় ও ফকির তলার মধ্যে দিয়ে গিয়ে শেষ হয় নেহেরু নগর কলোনি এলাকায় সূর্য সংঘ ক্রীড়াঙ্গনে।



## গাঁজা-জুয়া- সাদ্রা বন্ধের দাবিতে শান্তিপুর থানায় বিক্ষোভ

**নিজস্ব সংবাদদাতা, নদীয়া:-** নাগরিক প্রতিরোধ মঞ্চ শান্তিপুর শাখার পক্ষ থেকে মদ গাঁজা জুয়া সাদ্রা প্রভৃতি বন্ধের দাবিতে শান্তিপুর থানায় ডেপুটেশন দেওয়া হয়। শান্তিপুর লিচু বাগান থেকে প্রায় শতাধিক মানুষ মিছিল করে কাশ্যপাড়া মোড়, ডাকঘর, বড়বাজার হয়ে থানায় যায়। আন্দোলনকারী এক সদস্য লক্ষ্মী মাইতি বলেন মদ, জুয়া, গাঁজা বন্ধে প্রশাসন কোন ব্যবস্থা গ্রহণ না করলে আগামী দিনে আমরা মেয়েরাই সংগঠিত হয়ে মদ জুয়া গাঁজা সাদ্রার ঠেক ভেঙে দেব।



# শিবতারা মন্দিরের নিত্যপূজার সদস্যপদ নিষ্পে মনস্কামনা পূরণ

মন্দিরের সেবায়েত

## জ্যোতিষী শ্রী অভিশেক



বশীকরণ, শত্রুদমন, ব্যবসা, গ্রহদোষ, ব্যক্তিগত  
সমস্যার ধারন ছাড়াই সাফল্য

দমদম এয়ারপোর্ট, হাজরা ও অনলাইন

# 9836038552, 9831707570

Follow us on YouTube & Facebook : Sree Avishek